

**Ettliche**  
**Saystliche in der**  
**Sayligen gschriffte ge-**  
**gründte Lieder / für**  
**die Layen zu**  
**singen.**



M. D. XXXIII.

66

AD BIBL.  
UNIVERS.  
MONAC.

M. D. XXXIII.

Das lied / Maria zart /  
verändert / vñnd Christlich  
Corrigiert.

**D** Jesu zart / götlicher art /  
 ain roß on alle doren / **Du Colosse. 2**  
 hast auß macht / herwider brach  
 cht / das vor lang was verlore /  
 Durch Adams fal / dir ward die **Gene. 3.**  
 wal / vñ Gott vater versprochē /  
 auff das nicht wurd gerochen /  
 mein sünd vñ schuld / erwarbstu  
 huld / wañ kain trost ist / wa du **Joan. 3.**  
 nit bist / barmherzigkait erwer-  
 ben / wer dich nit hatt / vñd dein  
 genad / der müß ewigklich sterbē. **Joan. 5.**

**I** O Christe milt / du hast ges-  
 stilt / der alt vater verlangē / Die

jar vnd tag / in weh vñ flag / die  
 vorhell het vñfangen / Send-  
 licher nott / rufften O Gott / zer-  
 reys des hymels pforte / vñ send  
 vns des wir wartē / den Messia  
 der vns abnā / die sendlich pein /  
 das ist durch dein / vilfältig blüt  
 verzeren / ganz abgestelt / darüb  
 dich zelt / all wellt Christum den  
 Herzen.

O Jesu rain / du bist allain /  
 der sinder trost auff erdē / Dar-  
 umb dich hat / der ewig radt / er-  
 wölet mensch zū werden / Vns  
 all zū hail / darumb vrtail / am  
 jungstē tag wirst richten / die dir  
 glauben mit nichten / O werde  
 frucht / all mein zūflucht / hab ich  
 zū dir / ich glaub hast mir erwor-

Esaie. 64

Colosse. 1.

Mat. 25

Luce. 1.

Psal. 50.

Psal. 56.

Ben ewig leben / in dich hoff ich /  
gantz vestiglich / weyl du mir  
gnad thust geben.

69

**O** Christe gros / du edle ros /  
güttig an allen enden / Wie gar  
gütlich / Herz hast du mich / wid  
er zu dir lan wenden / Mit deinē  
wort / mein seel leydt mordt / bey  
den falschē Propheten / die mich  
versüret hettē / auff mancherley /  
jr gleyßnerēy / auff werck ich  
hofft / vn̄ in ainet offt / genad mir  
zu erwerbenn / verliesse dich /  
**O** Herz nitt rich / mein vnwiss  
end verderben.

Mat. 11.

Mat. 24.

Ziere. 2.

**O** Jesu feyn / dein wort gibt  
scheyn / liecht klar als der Kar  
funckel / Es hilfft auß pein / den

Joan. 1.

Mat. 23.

armē dein / die sitzen in der dunck  
 el / kein rü noch rast / habē sy fast  
 wol in den menschen lere / raych  
 in dein wort mit gere / hilff inn  
 darvon / auff rechte pan / vnd sy  
 selbst tröst / seyt du erlost / hast alle  
 welt gemaine / das sy inn dich /  
 hoffenn ainich / nitt in jr werck  
 vnrayne.

Luce. 1.

Esai. 64.

psal. 6.

**I** O Christe werd / so dein wort  
 kert / vō mir vñ sich der schaytte /  
 So küm zū mier / beschütz mich  
 schier / auff dz mich nit verlaytte  
 Die menschen lehr / die gleisset  
 sehr / wer kan jr list erkennen / sy  
 thüt sich hailig nennen / ist doch  
 entwicht / vñ lebet nicht / allainn  
 dein wort / dz ist der hort / darin  
 das lebē iste / da speyß mich mit /

Joan. 6.

71  
entzeuch mirs nitt / zū ewigklich  
er friste.

**O** Jesu Christ / war Gott du **Mat. 16.**  
bist / inn dir ist kein gebrechenn /  
Es ist kein man / der mag vnd  
kan / dein glori groß aussprechē /  
Dein hohes lob / schwebt ewig **Mat. 28.**  
ob / dir ist als übergebē / was ye  
gewann das leben / all creatur /  
**O** König pur / wenns darzū  
kumpt / das mein müdt stumpf /  
leiplich den todt müß leiden / dan  
hilff du mir / das ich mit gir / in  
dein wort mög abscheyden.

A iij



Das lied/ die frauy  
von Hymel/ verändert/  
vnd Christlich  
Corrigiert.

**C**hristum vonn himel ruff  
ich an/ in disen grossen nö-  
ten mein/ Im gsetz ich mich verz-  
schuldet han/ zü leyde ewig helle  
pein/ Gen dein vatter/ O Chris-  
ste ker/ sein zorn vonn mir/ mein  
züflucht ist allain zü dir/ hilf ee  
das ich verzweyffel schier.

**M**at. 16. O Christe du mein beschirm-  
er/ du sun Gottes vn̄ mensch so  
zart / meinn gayste ist betrübet  
sehr/ wañ sich reget mein sündig  
art/ Ich stee inn angst/ wiewol  
mir langst/ het wol gebürt/ bey



dir zu suchē hilff mit girt / so hat  
mich menschen leer verfür.

**I** Darumb hallt für Herz Jesu psal. 51.  
i. Joan. 2.  
Christ / dz mein gewissen mach  
mir rain / Seyt dz du mein vers  
süner bist / gen Got deinē vatter  
allain / Wan ich trag doch / mein  
hoffnüg noch / auff dein genad /  
dz creüz in gedult auff mich lad Gala. 5.  
auff das mein flaisch dem gayst  
mit schad.

**O** Christe zart wader hay Joan. 4.  
landt / mit deinē gaist bekresftig  
mich / Das ich in deinem wort  
bestand / vnd darin wander stet  
tigflich / vnd mich nitt keer / ann  
menschen leer / vnd gleyfnerey /  
wie schön hüpsch vnd gleyssen

sy sey/das mein gwissen darvor  
bleib frey.

Colosse. 1.  
Ephes. 2.

Die hailig schrifft saget von  
dir / durch dich allain kun erlös  
sung / Seyt nun kain werck kan  
helffenn mir / so stat zü dir all  
mein hoffnung / ainiger trost/  
hast mich erlost / von aller not /  
durch dein sterben vnd bits  
tern todt / dir sey Lob

1. pet. 2.  
Ephesi. 1.

Der König Sa  
Baath.



Das Lied/ Anna du  
anfenglich bist/ verändert/  
vnd Christlich  
Corrigiert.

**C**hriste du anfenglichen  
bist/ ain wurzel vnser se- 1. Pet. 1.  
Colosse. 1.  
Rom. 5.  
Math. 9.  
ligkait/ auß deine tod gewach-  
sen ist/ ain ewig werennt sicher-  
hait/ zü dem vatter/ gen dē wir  
ser/vnns versünden täglichen/  
O sun David/ du für vns tritt/  
versün vns miltiglichen.

**I**hr Christe du ainiger tröster / Mat. 11.  
psal. 10.  
1. Pet. 5.  
Math. 9.  
aller betrübtten hertzen/ zü dir all  
Christen ruffen ser/ das du vns  
helfst auß schmerzen/ der seynde  
streyt/ gen vns auß neyd/ all tag  
gar listiglichen/ O sun David/

du für vnns trit / hilff kempffen  
ritterlichen.

Colosse. 2. **I** Chriſte du vonn Götlichem  
Joan. 3. ſtam / von Gott vater geboren /  
Eph. 4. der zü vnns her auff erden kam /  
Colosse. 1. auff das nicht wurd verloren /  
Math. 9. wer in dich glaubt / des biſt ain  
haubt / aller Chriſtgelaubichen /  
O ſun David / du für vnns  
trit / dir ſey lob ewig  
lichen .



Das lied / Sant Chri  
stoff du vil hayliger man /  
verändert / vnnnd Christ  
lich Corrigiert.

**C**hriste warer sun Gottes  
fronn / dein lob wir ewig  
preysen / wer deinē namen ruffet  
an / dem thüst du hilff beweisen /  
wann du bist der / ainig mitler /  
gen Gott dē vatter Herre / dein  
bitter todt / halff vnns auß not /  
dir sey ewig Lob vnd Ere.

Mat. 16.  
Joan. 14.  
1. Tim. 2.  
Colosse. 1.

**G**ott vatter hat dir gebenn  
gwalt / in hymel vnd auff erde /  
sünd tod teüfel hast du gefalt /  
die hell hast du zerstörde / des  
hab wir frid / sichern zü trit / zü  
Got dē vatter Herre / dein bitter

Mat. 28.  
Osee. 13.  
Roma. 5.  
Colosse. 2.

todt/halff vnns auß not/dir sey  
ewig lob ere.

**I** Die füll der gnad hast du on  
Joan. 1. maß/die schrift thüt zeügnuß  
Joan. 14. geben/du bist lebē warhait vñ  
Philip. 2. straf/zü dem ewigen leben/er  
Esaie. 52. schinst doch schlecht/gleich wie  
Colosse. 1. ain knecht/trügst vnser sünde  
schwere/dein bitter todt/  
halff vnns auß not/  
dir sey ewig lob  
vnd Ere.



79

80